

Universitätsbibliothek Paderborn

**D. Haymo||nis Episcopi Hal-||berstatten[sis] Homiliarum,
nunc sexto || maiori [pro] ante hac unquam dili||gentia
excusarum, || Pars ...**

praeter omnes omnium appendices, accesserunt iam recens homiliæ
aliquot piæ, ante hoc tempus excusæ nusquam

Pars Aestivalis

**Haimo <Altissiodorensis>
Haimo <Halberstadensis>**

Coloniae, 1551

VD16 H 222

Fidutiam talem habemus per Christum ad 2. Co. 3.

urn:nbn:de:hbz:466:1-39335

hic humilia n:ur, sed in futuro exaltatur, sicut sunt pauperes, & illi p̄cipue, qui propter deū om̄ia sua relinquētes, semetip̄sos sp̄otanea uolūtate humiliant, ut in futuro a d̄no exaltari mereātur. Ad quorum nos consortium perducere dignetur ille, qui uiuit & regnat in iesula seculorum. Amen.

DOMINICA XIII. POST PENTECOSTEN. II, ad Corinth. iii.

Fratres Fidutiam talē habemus per Christum ad deum &c.

IN hac lectione uult Apostolus differentiā & distantiam facere, inter Moysen legiātorem & Christum datorem euangelij, inter legē & euangelium, inter doctores legis & doctores euangelij. & ostendit, quia quanta distantia est inter Moysen & Christum, tanta distantia est inter legē & euangelium, inter doctores legis & euangelij. Demonstrat quoque quia nihil sumus, nisi domini misericordia & gratia regamur. Fidutiam, inquit, id est, audaciam & fidem, talem habemus per Christum dominum nostrum, cuius passione redempti & reconciliati sumus. [ad deum.] id est, apud deum patrem, qualem ego dicturus & scripturus sum in sequentibus.

Nō q̄ sufficientes simus cogitare aliqd a nobis, q̄ si ex nobis, sed sufficiētia nostra ex deo ē. Hic destruit omnē confidentiā liberi arbitrij, p̄qd multi putat se posse bonū aliqd agere sine dei gratia. Et idcirco ista om̄ia ait, ut ostendat nihil boni sua virtute & prudētia posse cogitare aut facere. Dicit ergo: Nō habemus talē fidutiā uel audaciā q̄ simus sufficientes, id est, quod possimus cogitare a no-

bis aliquid boni nobis p[ro]futurum sine gratia de[bet]
sed sufficientia nostra & abundātia nostra ex deo
est, qui dat uelle & possit, id est, non solum nō uale-
mus bonum aliquid perficere sine dei misericor-
dia & gratia p[re]cedente & subsequente, sed nec
cogitare. Dei enim gratia nos praeuenit ut ueli-
mus, & ipsa nos subiequitur ut possumus. Vñ ex
Psal. 50, orabat Psalmista, dicens: Misericordia eius p[re]-
Psal. 72. neuerit me. Et misericordia eius subsequetur me.
Si enim nō ualemus cogitare, quomodo poten-
tius perficere?

Qui fecit nos idoneos,

id est, ap[osto]los & congruo[s], ministros nouitesta-
menti, non litera, sed spiritu. Id est, non fecit nos
ministros in litera legis, ut p[re]dicare remus circun-
cisionem carnaliter obseruādam, aut sabbati oci-
um, aut neomeniarum uel sacrificiorum ritum ce-
lebrandum, sed spirituali intelligentia euangeliū, qd
spiritualiter intelligendum est. & cuius obseruatio
spiritum sanctum tribuit tempore baptismatis.

Quod autem dicit idoneos ministros, se aliosq[ue]

Exo. 20: apostolos idoneos esse ostendit. Idoneus minister
est proprie congruus & utilis, atq[ue] illi rei aptus,
de qua sermo agitur.

Litera em̄ occidit, spiritus aut̄ uiuificat.

Duobus modis intelligendū est. Litera legis Mo-
saica occidit hominem corporaliter, iubendo &

aut iuuando. Dum em̄ dicit, Non occides, nō adulterium
facies: qui occiderit, uel qui adulterium
aut tale aliquid perpetrauerit, reus erit iudicio: id
est, occidetur, igni cremabitur, lapidibus obrue-
tur, in patibulo suspendetur: & non iuuat quomo-

do impleatur, proculdubio ipsa occidit hominem,
quæ iudicium dat ut occidatur, licet ipsa nō sit cau-
sa mortis eius. Spiritus autem uiuifi, at, id est, euani-
geliū quod spiritualiter intelligitur, & quod spi-
ritum sanctum præstat, non solum non occidit ho-
minem in præsenti, sed insuper uiuificat, id est, ui-
tam æternam præstat. Nulquam enim euangelū
iubet hominem occidi, sed prouocat post culpatum
ad penitentiam, promittens uitam æternam. Pœ-
nitentiam, inquit, agere: appropinquabit enim re-
gnū cælorum. Alter ante aduentū domini erant
quædam opera legis, quæ a leuioribus peccatis mū-
dabant suos obseruatorēs. Verbi gratia, sicut cir-
cuncisio quæ originale peccatum tollebat quan-
vis aditum patriæ cælestis non reseraret. Et sicut
erant multa, pro quibus offerebantur holocausta,
& de quibus dicebatur. S. quis hoc uel illud sece-
rit, offerat arietem aut aliquid tale, & emundabitur.
Post domini autem aduentum, in quo com-
pleta sunt in ueritate omnia illa figurativa & um-
bratica, quicunq; uoluerit eandem legem carnali-
ter obseruare, morietur. Anima enim quæ peccau-
it, morietur. Vnde & idem Apostolus in epistola
ad Galatas ait: Vere dico uobis, quia si circuncia-
mini carnaliter, Christus uobis nihil prodebit. Et
scimus quia quibus Christus non prodest, mortui
sunt in anima. Qui uero spiritualiter uoluerit ean-
dem legē implere circuncidendo se spiritualiter in
baptismate, ubi est uera expoliatio uitiorū, obser-
uando sabbatum, i. cessando a prauo opere, & oipo-
tentie deo spiritales hostias offerendo, seipsum q; q;
mortificando cum uitijs & concupiscentijs: ille ui-
uit & uiuet in æterna uita. Inde dicit Apostolus: Li-

Matt. 5.
8:4.

Gal. 5.

FF

tera occidit in anima hoc modo, id est, literalis intelligentia legis: spiritus autem uiuificat, id est, spiritualis intelligentia uitam æternam præstat.

Quod si ministratio mortis.

id est, lex quæ ministra erat mortis, sicut modi dimicimus. [deformata] uel descripta [literis in lapidibus, fuit] subauditur Moysi [in gloria] & claritate uultus, [ita ut nō possent intendere filij Israel in faciem eius, propter gloriam uultus eius, quæ] gloria uel claritas [euacuatur, quomodo non magis ministratio spiritus, id est, doctrina & predicatione spiritalis euangelij. Erit in gloria] suis ministratoribus & obseruatoribus? Isto in loco uult ostendere, quæ distantia sit inter legem & euangeliū, inter Moysen & doctores euāgeliū, sicut iam

Exo. 34 supra diximus. Legimus in Exodo, quod Moyses descendente de monte, facies eius erat cornuta ex consortio sermonis dei, id est, radios quosdā emittebat splendoris sicut sol, intantum, ut non possent intendere filij Israel in faciem eius. Sed quando egrediebatur ad populum, ponebat uelamen super faciem suam. Sed fortasse querit aliquis, quare illi gloriam & claritatem mortalium hominum nō poterant intendere. Cui respondendum est, quia Moyses sanctus & iustus erat, ideoq; coruscabat, sumq; splendorem ipse poterat ferre: illi autem q; peccatores & increduli erant, non fuerunt digni contemplari splendorem illius. Sensus igitur iste est: Si Moyses tantam claritatem habuit in uultu, quando legem dedit in populo, quæ ministra erat mortis, quia mortem minabatur, quanto maiorem gloriam habebunt ministri euangelij, qui ui-

tam æternam & iusticiæ ministrant, quæ uitæ æternam prestat: multo maiorem gloriam & claritatem habebunt, quia eandem claritatem habebunt, quam ostendit dominus in monte tribus discipulis, quando uisi sunt cum eo Moyses & Helias in maiestate & claritate. Videbunt enim oculis corporis, gloriam claritatemq; clarificatæ humanitatis filij dei. ipsiq; eandem gloriam habebunt, ut beatus Leo dicit, gloriam diuinitatis & totius trinitatis mente contemplabuntur solummodo, quia deus spiritus est, spiritu idem debet uideri. Dicit enim beatus Leo in expositione illius euangeli, illam claritatem & gloriam non fuisse diuinitatis filij dei, sed gloriam humanitatis, alioqui quomodo est uerum, quod dixit ad Moysen. Nō me uidebit homo & uiuet, quando illi dixit, Ostende mihi te ipsum, id est, inuisibilitatem tuam! Altiori igitur intellectu, Moyses qui ponebat uelamen super faciem suam, ne intenderent in eum filii Israel, significat ipsam legem, sicut in euangelio dominus testatur dixisse Abraam ad diuitem: Habent Moysen, id est, legem. Velamen illud, significat intelligentiam literalem & historicum sensum, quo umbrabatur ipsa lex, infidelitas quoq; & ignorantia cordis Iudeorum. Velamen ergo quod ponebat super faciem suam Moyses, non sinebat illos certe gloriam uultus eius: quia infidelitas & ignorantia & peccatum eorum, literalis quoq; intelligentia & historicus sensus, non permittebat illos penetrare & intelligere gloriam spiritualis intelligentie q; latebat in lege. Quod uero dicit, in gloria & claritate Moysi quæ evanescunt: ideo dicit, quantū ad litterā pertinet, quæ Moysè mortuo, facies eius quæ aut

Mat. 17.

Exo. 33.

Ibidem

Luc. 16.

FF. ii

rea splendoris radios' emittebat, in pallorem uer-
sa est. & Altiori autē sensu & sublimiori, secundum
Augustinum, gloria legis quæ videbatur esse in
festiuitatibus & operibus, euacuata est aduenien-
te Christo, quem illa significabant. Vel etiam pars
spiritualis intelligentiæ, quæ a quibusdam intelli-
gebatur, sicut a Moysè, Iosue, Samuel, David, cæ-
terisq; talibus, adueniente Christo, in quo comple-
ta est, & a quo manifestata est apostolis ex toto,
statim ut uenit plenitudo, euacuatum est illud qd
ex parte erat, nō ut cessaret penitus & periret ipsa
intelligentia spiritualis, sed ut in melius profice-
ret, atq; augmentum caperet. Verbi gratia: Sicut
euacuatur infantia & pueritia adueniente adoles-
centia, & adueniente iuuentute euacuatur adolescen-
tia, dum in melius proficit. In euangelio fit ita: quia
euangeliū spiritualiter intelligitur ex toto, nec eu-
cuatur, quia æternum est. Si ergo illi qui legē ope-
ribus impleuerunt, & ex parte spiritualiter intelle-
xerunt, quæ euacuata est, tantam gloriam habue-
runt in præsenti seculo, ut terram repromotionis
acciperent, uictores qd postmodum suorum hosti-
um existerent: quanto ampliora obtinebunt iusti,
qui spiritualiter legē & euangeliū intelligunt, obser-
uant, prædicant & docēt, qd nunquā euacuatur.

Nam si ministratio damnationis gloria est,
multo magis abundat ministerium iustitiae in glo-
ria.] Repetitio ē, superiori mutato sermone. [Nā
si ministratio damnationis gloria est,] id est, filex
quæ ministra erat damnationis & mortis, tantam
gloriam præstítit Moysi suo ministratori, & cæte-
ris suis obseruatoribus: [multo magis abundat mi-
nisterium iustitiae,] id est, euangelium quod iusti-

ficit homines, abundat in gloria æterna. Euangelium ergo ministerium iustitiae est, quia per illud ministratur nobis iustitia, salus & vita æterna tempore baptismatis, sicut dominus dicit apostolis: Ite, docete omnes gentes, id est, ministrate illis euangelium. Qui crediderit & baptizatus fuerit, salu^r Mar. 18. erit salute æterna, quia mundabitur ab omnibus peccatis, & efficietur iustus. Gloria deniq^{ue} euangelij, que datur ministratoribus suis & obseruatoribus, maior est gloria legis quæ splenduit in facie Moysi: quia illa fuit temporalis, & ut cunq^{ue} ferri potuit & uideri ab alijs. Ista autem æterna erit, nec potuit ferri ab apostolis, quando a dño ostensa est in monte, quia statim lapsi sunt in terrā uelut mortui. Quapropter laborandum est nobis omnibus, ut obseruatores simus euangelij, quatenus ad illam gloriam digni simus pertingere quam promittit.

DOMINICA XIII. POST PENTECOSTEN. Marci. VII.



In illo tempore Exiēs Iesus de finibus Tyri, uenit per Sidonem ad mare Galilaeæ. Et rel.

Supra retulit euangelica lectio, q̄liter dominus fines Tyri & Sidonis appropinquās, filiam mulieris Cananitidis a dæmonio liberauit. Nunc autem & aliud miraculū descripturus, non frustra ipsa loca, per quæ ambulauit, commemo-

FF iii